


究竟一乘寶性論

才四

二百五十二
力七

49290



元祐九年丙子二月日重脩

帝藏銀昌

轉

山城州天安寺法金剛院置



流雲一乘寶性論卷第四 七 加

元魏天竺三藏 勒那摩提譯

如來藏品之餘

次說依淨不淨時不變不異故說二偈

菩薩摩訶薩 如實知佛性 不生亦不滅

無老病等 菩薩如是知 得離於生死

愚衆生故 示現有生滅

此偈示現何義偈言

老病死諸苦 聖人永滅盡 依業煩惱生

諸菩薩無彼

此偈明何義明此老病死等苦火於不淨時

初煩惱本生如世間火 依薪本生以諸菩



生身於淨不淨時畢竟永滅盡以是
義故諸業煩惱等常不能燒然而依慈悲力
故示現生老病死而遠離生等以見如實故諸
菩薩摩訶薩依善根結使生非依業煩惱結
使生以核心自在力生依大悲力現於三界
示現老示現病示現死而彼無有生
諸苦等法以實見真如佛性不生
不滅是各不淨淨時如修多羅中依受無漏業根
本煩惱廣說應知如來於大海慧菩薩經中
說言大海慧何者能住世間善根相應煩惱
所謂集諸善根無有馱足故以心願生攝取
故求見一切諸佛如來故教化一切衆

不疲倦故攝取一切諸佛妙法故於諸
衆生常作利益故常不捨離樂貪諸法結使
故常不捨離諸波羅蜜結使故大海慧是名
諸菩薩摩訶薩世間善根相應煩惱依此煩
惱諸菩薩摩訶薩生於三界受種種苦不爲
三受煩惱過處之所染汙大海慧菩薩白佛

言世尊此諸善根以何義故說名煩惱佛告
大海慧菩薩言大海慧如是煩惱諸菩薩摩
訶薩能生三界受種種苦依此煩惱故有三
界非染煩惱三界中生大海慧菩薩以方便
智力依善根力故心生三界是故名爲善根
相應煩惱而生三界非染心生大海慧譬如

長者若居士等唯有一子甚愛甚念見者歡
喜而彼一子依愚癡心因戲樂故墮在極深
糞廁井中時彼父母及諸親屬見彼一子墮
在大廁深坑糞中見已歔歔悲泣啼哭而不
能入彼極深廁糞屎器中而出其子亦時彼
處眾中更有一長者子或一居士子見彼小
兒墮在深廁糞屎井中見已疾疾生一子想
生愛念心不起惡心即入深廁糞屎井中出
彼一子大海慧為顯彼義說此譬喻大海慧
何者彼義大海慧言極深井糞屎坑者名為
三界大海慧言一子者一切眾生諸菩薩等
於一切眾生一子想大海慧亦時父母及

諸親者名爲聲聞辟支佛人以二乘人見諸
衆生墮在卍間極大深坑糞屎井中旣見彼
已悲泣啼哭而不能拔彼諸衆生大海慧彼
時更有一長者子一居士子者名爲菩薩摩
訶薩離諸煩惱清淨無垢以離垢心現見無
爲真如法界以自在心現生三界爲教化彼
諸衆生故大海慧是名菩薩摩訶薩大悲畢
竟遠離諸有畢竟遠離諸縛而迴生於三界
有中以依方便般若力故諸煩惱火不能焚
燒欲令一切諸衆生等遠離諸縛而爲說法
大海慧我今說此修多羅句依諸菩薩心爲
利益一切衆生得自在力而生三有依諸善

根慈悲心力依於方便般若力故是名示現
淨不淨時又菩薩摩訶薩以如實智知如來
法身不生不滅故得如是菩薩功德法體此
修多羅句向前已說自下次說大毗琉璃摩尼
寶喻佛言大海慧譬如無價大毗琉璃摩尼
寶珠善治善淨善光明墮在泥中住一千年
彼摩尼寶經千年後乃出彼泥出已水洗洗
已極淨極淨洗已然後極明即不失本清淨
無垢摩尼寶體大海慧菩薩摩訶薩亦復如
是如實知見一切衆生自性清淨光明淨心
而爲客塵煩惱所染大海慧諸菩薩等生如
是心獲諸煩惱不染衆生自性清淨心是諸

煩惱客塵虛妄分別心起而彼菩薩復生是
心我今畢竟令諸衆生遠離客塵諸煩惱垢
爲之說法如是菩薩不生怯弱心轉於一切
衆生生增上力我要畢竟令得解脫菩薩亦
時復生是心此諸煩惱無有少體菩薩亦時
復生是心諸煩惱無體諸煩惱羸薄是諸煩
無有住處如是菩薩如實知諸煩惱虛妄
分別而有依邪見念而有以正見者諸煩惱
垢不能得起菩薩亦時復生是心我應如實
觀諸煩惱更不復生以不生煩惱故生諸善
法菩薩亦時復生是心我若自起諸煩惱者
云何而得爲諸煩惱所縛衆生說法令離諸

煩惱縛菩薩。介時復生。是心以我不著諸煩
惱。故是故得為諸煩惱縛衆生。說法我應修
行。諸波羅蜜。結使煩惱相應。善根為欲教化
諸衆生。故又復云。何名為世間。以三界相似
鏡像法。故此明何義。依無漏法界中有三種
注身應。知彼因無漏善根所作。名為世間。
繫離有漏諸業煩惱。所作世間法。故亦名涅
槃。依此義。故聖者勝鬘經言。世尊有有為世
間。有無為世間。世尊有有為涅槃。有無為涅
槃。故又有為無為心心數法相應法。故說
名為淨不淨時。此義於第六菩薩現前地說。
彼諸漏盡。無障礙。般若波羅蜜。解脫現前。修

行大悲以為救護一切衆生故不取證如寶
鬘經中依漏盡故說入城喻彼經中言善男
子譬如有一城縱廣正等各一由旬多有諸門路嶮黑闇
甚可怖畏有人入者多受安樂復有一人唯
有一子愛念甚重遙聞彼城如是快樂即便
於子欲往入城是人方便得過嶮道到彼城
門一定已入一足未舉即念其子尋作是念
我唯一子來時云何竟不與俱誰能養護令
離衆苦即捨樂城還至子所善男子菩薩摩
訶薩亦復如是為憐愍故修習五通既修習
已垂得盡漏而不取證何以故愍衆生故捨
漏盡通乃至行於凡夫地中善男子城者喻

於大般涅槃多諸門者喻於以萬諸三昧
門路嶮難者喻諸魔業到城門者喻於五通
一足入者喻於智慧一足未舉者喻諸菩薩
未證解脫言一子者喻於五道一切衆生願
念子者喻大悲心還子所者喻調衆生能得
解脫而不證者即是方便善男子菩薩摩訶
薩大慈大悲不可思議如是善男子菩薩摩
訶薩大方便力發大精進起堅固心修行禪
定得證五通如是菩薩依禪通業善修心淨
無漏滅盡定現前如是菩薩即得生於大悲
之心爲救一切諸衆生故現前無漏智通而
迴轉不取寂滅涅槃以爲教化諸衆生故迴

世間乃至示現凡夫人地於第四菩薩燄
地中為自利益善起精進為利益他善起堅
固心漏盡現前於第五菩薩難勝地中依止五
通自利利他善熟心行無漏滅盡定現前是
故於第六菩薩地中無障礙般若波羅蜜起
漏盡現前是故於第六菩薩現前地中得漏
盡自在說名清淨是菩薩如是自身正修行
教化衆生今置彼處得大慈悲心於顛倒衆
生生救護心不著寂滅涅槃善作彼方便現
前世間門為衆生故現前涅槃門為菩提分
滿足故修行四禪迴生欲界以為利益地獄
生餓鬼凡夫種種衆生示現諸身已得自

在故已說依不淨淨時不變不異次說依善淨
時不變不異故說二偈。

佛身不變異 以得無漏法 衆生所歸依

以無邊際故 常住不二法 以離妄分別

恒不熱不作 清淨心力故

此偈示現何義偈言

不四及不死 不病亦不老 以常恒清涼

及不變等故

此偈明何義偈言

以常故不生 離意生身故 以恒故無死

離不思議退 清涼故不病 無煩惱習故

不變故不老 無無漏行故

此偈明何義明如來性於佛地時無垢清淨
光明常住自性清淨以本際來常故不生以
離意生身故以未來際恒故不死以離不可
思議變易死故以本後際來清涼故不病以
離無明住地所攝故若如是者不墮三世彼
明不變是故不老以離無漏業過轉故又復

有二復有二

復有二二句

次第知常等

無漏境界中

此偈明何義常恒清涼及不變等此四種句於
無漏法界中次第一二句二二本二二釋義
差別如不增不減修多羅中說言舍利弗如

來法身常以不異法故以不盡法故舍利弗
如來法身恒以常可歸依故以未來際平等
故舍利弗如來法身清涼以不二法故以無
分別法故舍利弗如來法身不變以非滅法
故以非作法故

已說不變異次說無差別無差別者即依此
善淨時本際已來畢竟究竟自體相善淨如
來藏無差別故說一偈

法身及如來 聖諦與涅槃 功德不相離

如光不離日

此初半偈示現何義偈言

略明法身等 義一而名異 依無漏界中

四種義差別

此偈明何義略說於無漏法界中依如來藏
有四種義依四種義有四種名應知何等四
種義偈言

佛說不相離

及彼真如性

法體不虛妄

自性本來淨

此偈明何義佛法不相離者依此義故聖者
勝鬘經言世尊不空如來藏過於恒沙不離
不脫不異不思議佛法故及彼真如性者依
此義故六根聚經言世尊六根如是從無始
來畢竟究竟諸法體故法體不虛妄者依此
義故經中說言世尊又第一義諦者謂不虛

妄涅槃是也何以故世尊彼性本際來常以
法體不變故自性本來淨者依此義故經中
佛告文殊師利言文殊師利如來應正遍知
本際以來入涅槃故又復依此四義次第有
四種名何等爲四一者法身二者如來三者
第一義諦四者涅槃以是義故不增不減經
言舍利弗言如來藏者即是法身故又復聖
者勝鬘經言世尊不離法身有如來藏世尊
不離如來藏有法身世尊依一苦滅諦說名
如來藏世尊如是說如來法身無量無邊功
德世尊言涅槃界者即是如來法身故後半
偈示現何義偈言

覺一切種智

離一切習氣

佛及涅槃體

不離第一義

此四種名於如來法身無漏界中一味一義
不相捨離是故雖復有四種名而彼四義不
離一法門不離一法體此以何義所證一切
法覺一切智及離一切智障煩惱障習氣此
二種法於無漏法界中不異不差別不斷不
相離以是義故大涅槃經中偈言
無量種功德 一切不思議 不差別解脫

解脫即如來

以是義故聖者勝鬘經言世尊言聲聞辟支

佛得涅槃者是佛方便故此明何義言聲聞

辟支佛有涅槃者。此是諸佛如來方便見諸
衆生於生死曠野遠行疲倦恐其退轉爲止
息故造作化城如來如是於一切法中得大
自在大方便故明如是義世尊如來應正遍
知證平等涅槃一切功德無量無邊不可思
議清淨畢竟究竟此明何義依四種義畢竟
功德諸佛如來無差別涅槃相無上果中佛
及涅槃一切功德不相捨離若離佛地果中
證智更無餘人有涅槃法示現如是義依一
切種智於諸佛如來無漏法界中譬喻示現
此明何義寶髻經中盡師譬喻示現具足一
切功德應知偈言

如種種畫師

所知名差別

彼一人知分

第二人不知

有自在國王

勅諸畫師言

於彼彩畫處

具足作我身

國中諸畫師

一切皆下手

若不闕一人

乃成國王像

畫師受勅已

畫作國王像

彼諸畫師中

一人猶不在

由無彼一人

國主像不成

以其不滿足

一切身分故

所言畫師者

喻檀等諸行

言國王像者

示一切種智

一人不在者

亦現少一行

王像不成者

空智不具足

此偈明何義以是義故寶髻經言善男子諦

聽諦聽我今為汝說此譬喻善男子譬如三

千大千世界所有衆生悉善知畫其中或有
善能泥塗或能磨練或巧畫身不善手足或
巧手足不善面目時有國王以一張疊與是
諸人而告之言凡能畫者皆悉聚集於此疊
上畫吾身像介時諸人悉來集聚隨其所能
而共作之有一畫師以緣事故竟不得來諸
人畫已持共上王善男子可言諸人悉集作
不不也世尊善男子我說此喻其義未顯善
男子一人不來故不得言一切集作亦不得
言像已成就佛法行者亦復如是若有一行
不成就者不名具足如來正法是故要當具
足諸行名爲成就無上菩提故

又此檀等諸波羅蜜一一差別唯是如來所知境界如來知彼種種差別無量無邊應知以彼等數自在力等不能思議故以對治彼慳等諸垢是故得成清淨檀等諸波羅蜜又以修行一切種一切空智及種種三昧門於第八菩薩不動地中不分別一切菩薩地無間無隔自然依止道智修行得無生法忍成就具足如來無漏戒成就一切功德於第九菩薩善慧地中依阿僧祇三昧陀羅尼海門攝取無量無邊諸佛之法依止解一切衆生根智成就無量無邊功德空智得無生法忍於第十菩薩法雲地中依止一切如來現前

空智成就無量無邊功德聚得無生空法忍
次後得諸三昧斷一切煩惱障智障依止諸
解脫門智成就清淨彼岸功德具足得一切
種一切空智以如是等四種地智中非聲聞
辟支佛地以彼聲聞辟支佛等去之甚遠以
是義故說彼四種成就不差別涅槃界是故

偈言

慧智及解脫

不離法界體

無差別涅槃界

曰相似相對

此偈明何義以何等慧以何等智以何等解
脫彼三不離法界實體明彼四種功德成就
無差別涅槃界偈言無差別涅槃界故為彼

四種義次第故有四種相似相對法應知何等爲四一者佛法身中依出世間無分別慧能破第一無明黑闇彼光明照相相似相對法應知偈言慧故曰相似相對故二者依智故得一切智智知一切種照一切事放光明羅網相似相對法應知偈言智故曰相似相對故三者依止彼二自性清淨心解脫無垢離垢光明輪清淨相似相對法應知偈言解脫故曰相似相對故四者即此三種不離法界不離實體不相捨離相似相對法應知偈言不離法界故曰相似相對法故是故偈言

不證諸佛身

涅槃不可得

如棄捨光明

日不可得見

此偈明何義以如向說無漏法界中無始世
界來諸佛法身中無漏諸法一切功德不相
捨離以是義故遠離如來無障無礙法身智
慧離一切障涅槃體相不可得見不可得證
如離日光明無日輪可見以是義故聖者勝
鬘經言法無優劣故得涅槃知諸法平等智
故得涅槃平等智故得涅槃平等解脫故得
涅槃平等解脫知見故得涅槃是故世尊說
涅槃界一味等味謂明解脫一味故
究竟一乘寶性論無量煩惱所纏品第六

論曰偈言

向說如來藏

十種義示現

次說煩惱纏

以九種譬喻

此偈明何義向依如來藏說無始世界來彼
法恒常住法體不轉變明如來藏有十種義
自此已下依無始世界來煩惱藏所纏說無
始世界來自性清淨心具足法身以九種譬
喻明如來藏過於恒沙煩惱藏所纏如修多
羅說應知九種譬喻者如偈說言

萎華中諸佛

衆蜂中美蜜

皮糲等中實

糞穢中真金

地中珍寶藏

諸菓子中牙

朽故弊壞衣

纏裹真金像

貧賤醜陋女

懷轉輪聖王

焦黑泥摸中

有上妙寶像

衆生貪恚癡

妄想煩惱等

塵勞諸垢中

皆有如來藏

此偈示現何義自此已下依此略說四偈句

義餘殘譬喻五十四偈廣說應知此四行偈

總略說彼廣偈中義應知又依彼義略說二偈

華蜂糞穢

地菓故壞衣

貧賤女泥摸

煩惱垢相似

佛蜜實真金

寶牙金像王

上妙寶像等

如來藏相似

此偈示現何義偈言

華蜂等諸喻

明衆生身中

無始世界來

有諸煩惱垢

佛蜜等諸喻

明衆生身中

無始來具足 自性無垢體

又復略說此如來藏修多羅中明一切衆生
界從無始世界客塵煩惱染心從無始出世
來淨妙法身如來藏不相捨離是故經言依
自虛妄染心衆生染依自性清淨心衆生淨
云尚自心染依自心染有九種喻謂萎華等

應知得言

奪瞋癡相續 及結使勳集

見修道雜淨

及淨地有垢

萎華等諸喻

說九種相對

無邊煩惱纏 故說差別相

此偈明何義略說有九種煩惱於自性清淨
如來法身界中如萎華等九種譬喻於諸佛

等常外客相諸煩惱垢亦復如是於真如佛
性常客塵相何等以爲九種煩惱一者貪使
煩惱二者瞋使煩惱三者癡使煩惱四者增
上貪瞋癡結使煩惱五者無明住地所攝煩
惱六者見道所斷煩惱七者修道所斷煩惱
八者不淨地所攝煩惱九者淨地所攝煩惱
如此如是等九種煩惱以彼九種譬喻示現應
知此明何義世間貪等衆生身中所攝煩惱
能作不動地業行緣成就色界無色界果報出
世間智能斷名爲貪瞋癡使煩惱偈言貪瞋
癡相續故又增上貪瞋癡衆生身中所攝煩
惱能作福業罪業行緣但能成就欲界果報

唯有不淨觀智能斷名為增上貪瞋癡等結
使煩惱偈言及結使故又阿羅漢身中所攝
煩惱能作無漏諸業行緣能生無垢意生身
果報唯有如來菩提智能斷名為無明住地
所攝煩惱偈言勲集故又有二種學人何等
為二二者凡夫二者聖人凡夫身中所攝煩
惱初出世間心見世出世間法智能斷名為
見道所斷煩惱偈言見道故聖人身中所攝
煩惱如先見出世間法修道智能斷名為修道
所斷煩惱偈言修道故又不究竟菩薩謂從
初地乃至七地所攝煩惱七住地中所對治
法八地已上三住地中修道智能斷名為不

淨地所攝煩惱偈言不淨故又畢竟究竟菩
薩身中所攝煩惱八地已上三地修道智所
對治法金剛三昧智能斷名為淨地所攝煩
惱偈言及淨地有垢故是名略說九種煩惱
次第萎華等九種譬喻我已廣說應知又復
取此九種煩惱依八萬四千衆生行故有八
萬四千煩惱差別如如來智無量無邊故有
如是無量無邊煩惱纏如來藏故言無量煩
惱藏所纏如來藏是故偈言

愚癡及羅漢

諸學及大智

次第四種垢

及一二復二

如是次第說

四凡一聖人

二學二大智

名為不淨地

此偈明何義此九種譬喻於無漏界中如是
次第四種譬喻及第五譬喻後時二二煩惱
諸垢依煩惱垢染故言不清淨又復云何知
此九種貪等煩惱於萎華等九種譬喻相似
相對又云何知如來藏於諸佛等九種譬喻
相似相對偈言

依佛神力故 有彼眾妙華 初榮時則愛

後萎變木愛 如華依榮悴 有愛有不愛

貪煩惱亦尔 初樂後不樂 群蜂為成蜜

瞋心噬諸華 瞋恚心起時 生種種苦惱

稻等内堅實 外為皮糲覆 如是癡心纏

不見内堅實 猶如臭穢糞 智觀貪亦尔

起欲心諸相

結使如穢糞

譬如彼地中

種種珍寶藏

衆生無天眼

是故不能見

如是自在智

為無明地覆

衆生無智眼

是故不能見

如子離皮糲

次第生牙等

道斷煩惱

次第生諸地

以害身見等

取妙聖道

修道斷煩惱

故說弊壞衣

地中諸垢

猶如胎所纏

遠離胎藏智

分別淳熟

三地知諸垢

如泥摸所泥

太智諸菩薩

金剛定智斷

萎華至泥摸

如是九種喻

示貪瞋癡等

九種煩惱垢

垢中如來藏

佛等相對法

如是九種義

以三種體攝

此偈明何義謂依法身自性清淨心如來藏
等三種實體有諸佛等九種譬喻相似相對
法應知三種實體者偈言

法身及真如 如來性實體 三種及一種

五種喻示現

此偈明何義初三種喻示現如來法身應知

三種譬喻者所謂諸佛美蜜堅固示現法身

偈言法身故一種譬喻者所謂真金示現真

如偈言真如故又何等為五種譬喻一者地

藏二者樹三者金像四者轉輪聖王五者寶

像能生三種佛身示現如來性偈言如來性

故又法身者偈言

法身有二種。清淨真法界。及依彼習氣。以深淺義說。

此偈明何義。諸佛如來有二種法身。何等爲二。一者寂靜法界。身以無分別智境界故。如來諸佛如來法身。唯自內身法界能證。應知得言清淨真法界故。二者爲得彼因。因謂彼寂靜法界說法。依可化衆生說。彼說法應知以依真如法身。有彼說法名爲習氣。偈言及依彼習氣。故彼說法者。復有二種。一細二麤。細者所謂爲諸菩薩摩訶薩演說甚深秘密法。藏以依第一義諦說。故麤者所謂種種修多羅祇夜和伽羅那伽陀憂波陀那尼陀那。

等名字章句種種差別以依世諦說故是故
偈言

以出世間法

世中無譬喻

是故依彼性

還說性譬喻

如美蜜一味

微細法亦亦

修多羅等說

如種種異味

此偈明何義諸佛美蜜及堅固等三種譬喻

此明如來真如法身有二種義一者遍覆一

切衆生二者遍身中有無有餘殘示現一切

衆生有如來藏此明何義於衆生界中無有

一衆生離如來法身在法身外離於如來智

在如來智外如是種種色像不離虛空中是

故偈言

譬如諸色像

不離於虛空

如是衆生身

不離諸佛智

以如是義故

說一切衆生

皆有如來藏

如虛空中色

以性不改變

體本來清淨

如真金不變

故說真如喻

此偈明何義明彼真如如來之性乃至邪聚

衆生身中自性清淨心無異無差別光明明

不離客塵諸煩惱故後時說言如來法身

如是以一真金譬喻依真如無差別不離佛

法身故說諸衆生皆有如來藏以自性清淨

心雖言清淨而本來無二法故是故經中佛

告文殊師利言文殊師利如來如實知見自

身根本清淨智以依自身根本智故知諸衆

生有清淨身文殊師利所謂如來自性清淨
身乃至一切衆生自性清淨身此二法者無
二無差別是故偈言

一切諸衆生 平等如來藏 真如清淨法

名為如來體 依如是義故 說一切衆生

際有如來藏 應當如是知

復偈言

佛性有二種 一者如地藏 二者如樹菓

無始世界來 自性清淨心 修行無上道

依二種佛性 得出三種身 依初譬喻故

知有初法身 依第二譬喻 知有二佛身

真佛法身淨 猶如真金像 以性不改變

攝劫德實體

證大法王位

如轉輪聖王

依止鏡像體

有化佛應現

此偈明何義餘五種譬喻所謂藏樹金像轉

輪聖王寶像譬喻示現生彼三佛法身以依

自體性如來之性諸衆生藏是故說言一切

衆生有如來藏此示何義以諸佛如來有三

種身得名義故此五種喻能作三種佛法身

因以是義故說如來性因此明何義此中明

性義以爲因義以是義故經中偈言

無始世來性

作諸法依止

依性有諸道

及證涅槃果

此得明何義無始世界性者如經說言諸佛

如來依如來藏說諸衆生無始本際不可得
知故所言性者如聖者勝鬘經言世尊如來
說如來藏者是法界藏出世間法身藏出世
間上上藏自性清淨法身藏自性清淨如來
藏故作諸法依止者如聖者勝鬘經言世尊
是故如來藏是依是持是住持是建立世尊
不離不離智不斷不脫不異無爲不思議佛
法世尊亦有斷脫異外離智有爲法亦依亦
持亦住持亦建立依如來藏故依性有諸道
者如聖者勝鬘經言世尊生死者依如來藏
世尊有如來藏故說生死是名善說故及證
涅槃果者如聖者勝鬘經言世尊依如來藏

故有生死依如來藏故證涅槃出世尊若無如
來藏者不得厭苦樂求涅槃不欲涅槃不願
涅槃故此明何義明如來藏究竟如來法身
不差別真如體相畢竟定佛性體於一切時
一切衆生身中皆無餘盡應知此去何知依
法相知是故經言善男子此法性法體性自
性常恒如來出世若不出世自性清淨本來
常住一切衆生有如來藏此明何義依法性
依法體依法相應依法方便此法爲如是爲
不如是不可思議一切處依法依法量依法
信得心淨得心定彼不可分別爲實爲不實
唯依如來信是故偈言

唯依如來信
不能見日輪

信於第一義

如無眼目者

此偈明何義略說一切衆生界中有四種衆
生不識如來藏如生盲人何等爲四一者凡
夫二者聲聞三者辟支佛四者初發菩提心
菩薩如聖者勝鬘經中說言世尊如來藏者
於身見衆生非其境界世尊如來藏者於取
四顛倒衆生非其境界世尊如來藏者於散
亂心失空衆生非其境界故此明何義身見
衆生者謂諸凡夫以彼凡夫實無色等五陰
諸法而取以爲有我我所虛妄執著我我所
慢於離身見等滅諦無漏性甘露之法尚不

能信何況出世間一切智境界如來藏能證
能解無有是處又取四顛倒諸衆生者所謂
聲聞辟支佛人以彼聲聞辟支佛等應修行
如來藏常而不修行如來藏以爲常而顛倒
取一切法無常想修行如來藏無常樂無常
修行以不知不覺故應修行如來藏樂而不
修行如來藏以爲樂而顛倒取一切法苦想
修行如來藏苦樂苦修行以不知不覺故應
修行如來藏我而不修行如來藏以爲我而
顛倒取一切法無我想修行如來藏無我樂
無我修行以不知不覺故應修行如來藏淨
而不修行如來藏以爲淨而顛倒取一切法

不淨想修行如來藏不淨樂不淨修行以不
知不覺故如是聲聞辟支佛等一切不能如
實隨順法身修行以是義故第一彼岸常樂
我淨法非彼聲聞辟支佛等所知境界如是
樂顛倒無常苦無我不淨想等彼如來藏非
其境界如是又義大般涅槃修多羅中池水
譬喻廣明此義應知彼經中言迦葉譬如春
時有諸人等在大池浴乘船遊戲失琉璃寶
沒深水中是時諸人悉共入水求覓是寶競
捉瓦石草木沙礫各各自謂得琉璃珠歡喜
持出乃知非真是時寶珠猶在水中以珠力
故水皆澄清於是大眾乃見寶珠故在水下

猶如仰觀虛空月形是時衆中有一智人以
方便力安徐入水中即便得珠汝等比丘不
應如是修集無常苦無我想不淨想等以爲
真實如彼諸人各以瓦石草木沙礫而爲寶
珠汝等應當善學方便在在處處常修我想
常樂淨想復應當知先所修集四法相貌悉
是顛倒欲得真實修諸想者如彼智人巧出
寶珠所謂我常樂淨想故又散亂心失空衆
生者謂初發心菩薩離空如來藏義以失變
壞物修行名爲空解脫門此明何義初發心
菩薩起如是心實有法斷滅後時得涅槃是
菩薩來空如來藏修行又復有人以空爲有

物我應得空。又生如是心。離色等法。別更有
空。我應修行。令得彼空。彼人不知空。以何等
法。是如來藏偈言。

不空如來藏

謂無上佛法

不相捨離相

不增減一法

如來無爲身

自性本來淨

客塵虛妄染

本來自性空

此偈明何義。不減一法者。不減煩惱。不增一
法者。真如性中。不增一法。以不捨離清淨體
故。偈言不相捨離。想不增減一法。故是故聖
者勝鬘經言。世尊有二種如來藏。空智世尊
空如來藏。若離若脫。若異一切煩惱。藏世尊
不空如來藏。過於恒沙。不離不脫。不異不思

議佛法故。如是以何等煩惱。以何等處。無如是如實見。知名為空智。又何等諸佛法。何處具足。有如是如實見。知名不空智。如是明離有無二邊。如實知空相。此二偈中。明如是義。又衆生若離如是空智。彼人則是佛境界外。名不相應。不得空。不得一心。以是義。故名散亂心。失空。衆生何以故。以離第一義。空智門。無分別境界。不可得證。不可得見。是故聖者。勝鬘經言。世尊如來。藏智名為空智。世尊如來。藏空智者。一切聲聞辟支佛等。本所不見。本所不得。本所不證。本所不會。世尊一切苦滅。雖佛得證。壞一切煩惱。藏修一切滅苦道。

故如是此如來藏以法界藏故身見等衆生
不能得見已說以身見相對治真實法界未
現前故又如如是出世間法身如來藏非顛倒
衆生境界已說以無常等世間法對治出世
間法界未現前故又如是自性清淨法界如
來空藏非散亂心失空衆生境界已說以煩
惱垢落塵空自性清淨功德法不相捨離
出世間法身得名故此明何義又依一味等
味法界無差別智門觀察出世間自性清淨
法身是名如實知見真如是故經說十住菩
薩唯能少分見如來藏何況凡夫二乘人等
是故偈言

如薄雲中

見虛空有日

淨慧諸聖

見佛亦如是

聲聞辟支佛

如無眼目者

不能觀如來

如盲不見日

所知一切法

有無量無邊

遍虛空法界

無量智能見

諸如來法身

充滿一切處

佛智慧能見

以無量智

究竟之寶性論卷第四

力

悴悴二同慈
醉及

沙礫下音

